

Jon

anêḡ kapya môḡ

Abô môḡ

Sebedi namalô aposel Jon hato kapya êntêk hadêḡ avômalô êvhaviḡ. Kêdôḡwaga abôyaḡ bôk êlêm ba enaḡ nena dahôlôḡ ma nôḡ mavi ma kupik ma kambom ba thai ma nôḡ lokwaḡju. Ba enaḡ nena Kilisi anêḡ dahô iyom intu halêm anêḡ leḡ ma anêḡ kupik ma miḡ Kilisi ami. Ma enaḡ nena kupik hatôm idum kambom ma dahô ma mabuḡ mavi denaḡ. Jon halaḡô abôyaḡ êḡ ba intu hato kapya êntêk ek thêlô neyabiḡ i esak abôyaḡ takêḡ.

Hato kapya êntêk hadêḡ 85 lo 95 AD malêvôḡ doho la.

Abô lôkmala halêm yaḡ

1 ¹Yêlô ato hathak Abô atu ba hêv lôkmala ba hêk hadêḡ sêbôk atu ba môḡ anôḡ. Yêlô bôk alaḡô lôk ayê hathak maleḡḡ lôk atitiḡ ba bahenḡḡ hasôm haviḡ. ²Lôkmala êḡ bôk habitak yaḡ ba yêlô ayê ba ik loḡ ba intu anaḡ abô hathak lôkmala atu ba nêḡô wak nômbêḡ intu sapêḡ bêḡ hadêḡ môlô. Bôk hamô haviḡ Lambô vêm ma hik i thô hadêḡ yêlô. ³Nômkama takatu ba yêlô bôk ayê lôk alaḡô yôv ma lêk anaḡ bêḡ hadêḡ môlô ek nôḡô esak doḡtom imbiḡ yêlô. Avanôḡ biḡ nena alalô lêk amô hathak doḡtom haviḡ Lambô lo Namalô Yisu Kilisi. ⁴Yêlô ato abô takêntêk ek alalô lôkthê leḡḡmavi bêḡ anôḡ êḡô kapôlôḡḡ siḡ.

Alalô nambenḡ Wapômbêḡ anêḡ deda kapô

⁵Abô takatu ba bôk alaḡô anêḡ yaḡ, êntêk yêlô anaḡ bêḡ hadêḡ môlô nena Wapômbêḡ ma deda ba momaḡḡniḡ la miḡ hamô haviḡ yaḡ ami. Mi. ⁶Alalô anaḡ nena amô hathak doḡtom haviḡ yaḡ ma doḡtom aveḡ momaḡḡniḡ denaḡ, êḡ ma anaḡ abôyaḡ ba miḡ asopa abô avanôḡ ami. ⁷Ma doḡtom alalô aveḡ deda kapô hatôm yaḡ hamô deda kapô, êḡ ma

^a 1:1 Jon 1:1 ^b 1:2 Jon 1:14 ^c 1:4 Jon 16:24 ^d 1:5 1Ti 6:16; Jem 1:17 ^e 1:6 1Jon 2:4

alalô amô hathak doŋtom haviŋ i. Ma Namalô Yisu anêŋ thalaleŋ hathak havôkwij alalôaniŋ kambom lôkthô vê.

^{8f}Alalô anaŋ nena kambom miŋ hamô alalô kapôlôŋiŋ ami, êŋ ma asau alalôda ba abô avanôŋ miŋ hamiŋ alalô kapôlôŋiŋ ami. ⁹Alalô anaŋ alalôaniŋ kambom bêŋ ma yani ma anyô thêthôn ba abô takatu ba hanaŋ ma tem indum ba injik anôŋ ba intu tem nêŋ kambom takêŋ vê ma êmbôkwij alalôaniŋ lelaik lôkthô. ¹⁰Aêŋ ba alalô anaŋ nena miŋ bôk adum kambom te ami, êŋ ma adum yani hatôm anyô abôyaŋ ba anêŋ abô miŋ hamiŋ alalô kapôlôŋiŋ ami.

Yisu, anyô hêv alalô thêvô

2 ^{1s}Yenaŋ avômena, yahato abô takêntêk hadêŋ môlô ek miŋ nundum kambom ami. Ma anyôla hadum kambom, êŋ ma alalôaniŋ anyô hêv alalô thêvô hamô ba hathak hanaŋ abô haviŋ Lambô ek hêv alalô bulubiŋ. Yani ma Yisu Kilisi ôpatu ba thêthôn anôŋ. ^{2h}Yani hêv i hatôm da ek alalôaniŋ kambom anêŋ malaiŋ miŋ êpôm alalô ami. Ma yani miŋ hadum ku êŋ ek nêŋ alalô iyom sa ami. Mi, hadum ek nêŋ avômalô pik sapêŋ sa.

³Alalô asopa anêŋ abô balabuŋ, êŋ ma hik thô nena ayala yani. ⁴Anyôla hanaŋ nena, “Yahayala Wapômbêŋ” ma doŋtom miŋ hasopa anêŋ abô balabuŋ ami, êŋ ma anyô abôyaŋ ba abô avanôŋ miŋ hamiŋ ôpêŋ kapô ami. ⁵ⁱMa doŋtom anyôla hasopa Wapômbêŋ anêŋ abô, êŋ ma avanôŋ biŋ nena Wapômbêŋ anêŋ lahaviŋ hik anôŋ hamiŋ yani kapô. Aêŋ ba intu ayala nena alalô amô haviŋ yani. ⁶Anyôla hanaŋ nena, “Yahamô haviŋ Wapômbêŋ”, êŋ ma esopa Yisu vaŋgwam.

Balabuŋ leŋimbiŋ iviyaŋ

^{7j}Aiyaŋ thêlô, balabuŋ atu ba yahato hadêŋ môlô ma miŋ balabuŋ lukmuk ami. Mi, balabuŋ bô ba bôk hamô haviŋ môlô môŋ anôŋ. Balabuŋ bô êŋ ma abô atu ba bôk olaŋô yôv. ^{8k}Ma doŋtom balabuŋ bô êŋ ma hatôm balabuŋ lukmuk haviŋ ek malê nena hik anôŋ hamiŋ yani lôk môlô ba momaŋiniŋ lêk hale ba hi ma deda anôŋ lêk habi hayô yôv.

^{9l}Opalê atu ba hanaŋ nena hamô deda kapô ma doŋtom hapôlik ek iviyaŋ, êŋ ma hamô momaŋiniŋ denaŋ. ^{10m}Ma opalê atu ba lahaviŋ iviyaŋ hamô deda kapô ba nômlate miŋ hamô yani kapô ek indum yani nêŋ yak ami. ¹¹ⁿMa doŋtom opalê atu ba hapôlik ek iviyaŋ ma yani hamô momaŋiniŋ kapô ba momaŋiniŋ habuliŋ yani madaluk ba intu hasimô havenŋ ba miŋ hayala loŋ atu ba hi ami.

^f 1:8-9 Sng 32:5; Snd 28:13 ^g 2:1 Hib 7:25-26 ^h 2:2 Jon 1:29; Kol 1:20; 1Jon 4:10

ⁱ 2:5-6 Jon 14:21,23 ^j 2:7 Jon 13:34; 2Jon 5-6 ^k 2:8 Jon 1:9; Lom 13:12

^l 2:9 1Jon 4:20 ^m 2:10 Lom 14:13 ⁿ 2:11 Jon 12:35

12 Avômena, hathak yani anêḡ athêḡ bôk hêv mólônim kambom vê yôv ba intu yahato hadêḡ mólô.

13 Kamik thêlô, bôk oyala ôpatu ba hamô hadêḡ môn anônḡ yôv ba intu yahato hadêḡ mólô.

Anyô muk, mólô bôk lovak ba ômô Sadaḡ atu lu yôv ba intu yahato hadêḡ mólô.

Avômena, bôk oyala Lemambô yôv ba intu yahato hadêḡ mólô.

14 Kamik thêlô, bôk oyala ôpatu ba hamô hadêḡ môn anônḡ yôv ba intu yahato hadêḡ mólô.

Anyô muk, mólô othak umiḡ lôklokwaḡ lôk ovaloḡ Wapômbêḡ anêḡ abô loḡ ba intu lovak ba ômô Sadaḡ atu lu yôv. Aêḡ ba intu yahato hadêḡ mólô.

Miḡ lemimbiḡ nômkama pik ami

15^oMiḡ lemimbiḡ kobom pik lôk anêḡ nômkama ami. Ôpatu ba lahavinḡ kobom pik ma miḡ lahavinḡ Lambô ami. 16^pPik anêḡ nômkama sapêḡ lôk anêḡ alak lôk maleḡkilik lôk habôi hathak anêḡ nômkama miḡ halêm anêḡ Lambô ami. Mi, pik anêḡ. 17^qPik lôk anêḡ alak lêk hadum ek nêḡ yak, ma doḡtom ôpatu ba hasopa Wapômbêḡ anêḡ lahavinḡ tem êḡmô wak nômbêḡ intu sapêḡ.

Anyô hapôlik ek Kilisi

18^rYenaḡ avômena, waklavônḡ pik lo leḡ anêḡ daḡ lêk habobo. Ma mólô bôk olaḡô nena anyô hapôlik ek Kilisi atu tem êlêm. Ma lêk bêḡ anônḡ êlêm yôv. Ba intu ayala nena waklavônḡ pik lo leḡ anêḡ daḡ lêk habobo.

19^sBôk thêlô êḡmô haviḡ alalô ma doḡtom lêk etak ba i. Thêlô miḡ alalôaniḡ te ami. Thêlô ma alalôaniḡ ma tem miḡ netak alalô ami. Ma doḡtom etak alalô ma hik thô nena thêlô ma miḡ alalôaniḡ te ami.

20^tMa doḡtom Anyô Matheḡ Yisu bôk hêv Lovak Matheḡ hadêḡ mólô yôv ba intu mólô lôkthô oyala abô avanônḡ. 21^uMiḡ yahakô nena mólô ôthônḡ abô avanônḡ paliḡ ba yahato abô takêntêk hadêḡ mólô ami. Mi, mólô bôk oyala yôv ma abôyaḡ miḡ hamô abô avanônḡ kapô ami. Ba intu yahato hadêḡ mólô. 22^vOpalê intu anyô abôyaḡ? Ôpatu ba hanaḡ nena Yisu ma miḡ Mesaya ami. Yani êḡ intu anyô hapôlik ek Kilisi ma havôliḡ dôḡm hadêḡ Lambô lo Nakaduḡ. 23^wÔpatu ba havôliḡ dôḡm hadêḡ Nakaduḡ miḡ hamô haviḡ Lambô ami. Ma doḡtom ôpatu ba hanaḡ anêḡ hêvhavinḡ Nakaduḡ bêḡ, êḡ ma hamô haviḡ Lambô aêḡ iyom.

24^xNoyabiḡ am ek abô takatu ba bôk olaḡô hadêḡ môn anônḡ ma nobaloḡ loḡ lôklokwaḡ. Abô êḡ hamô haviḡ mólô, êḡ ma tem nôḡmô imbiḡ

^o 2:15 Lom 8:7 ^p 2:16 Lom 13:14 ^q 2:17 Mat 7:21 ^r 2:18 Mat 24:5,24; 2Jon 7

^s 2:19 Ap 20:30 ^t 2:20 1Ko 2:15; 2Ko 1:21; 2Jon 2 ^u 2:22 1Jon 4:3; 2Jon 7

^v 2:23 Jon 5:23; 1Jon 4:15; 5:1

Nakaduŋ lo Lambô aên iyom. ²⁵Ma yani bôk havak abô yôv haviŋ alalô nena tem nê m lôkmala atu ba nê môt wak nômbên intu sapên êndên alalô.

²⁶Yahato abô takêntêk hadên môtô hathak nê takatu ba idum ek nesau môtô. ²⁷*Kilisi bôk hêv Lovak Matheŋ hadên môtô ba hamô haviŋ môtô denaŋ. Ma Lovak Matheŋ êŋ hathak hadôn môtô hathak nômkama lôkthô ma anên abô ma avanôn iyom ma abôyan mi. Aên ba miŋ notak anyôla ek êndôn môtô esak loŋbô ami. Mi, nosopa auk takatu ba Lovak Matheŋ hadôn môtô nena nô môtô Yisu kapô.

²⁸Yenaŋ avômena, nô môtô imbiŋ yani thêthô ek waklavôn yani hale halêm ma tem numiŋ lôklokwan ma mama mi ênjêk yani ma. ²⁹*Môtô bôk oyala yôv nena yani ma anyô thêthôn lôk oyala haviŋ nena opalêla takatu ba ê môtô thêthôn ma bôk ibitak Wapômbên nali yôv.

Alalô ma Wapômbên nali

3 ¹Kamik Bên lahaviŋ alalô bomaŋ anôn ba intu halam alalô nena anên nali. Avanôn biŋ nena alalô ma anên nali. Ma avômalô pik miŋ bôk eyala yani ami ba intu miŋ eyala alalô ami. ²*Aiyaŋ thêlô, alalô ma lêk Wapômbên anên nali. Ma emben yam ka tem alalô nambitak aisê? Injo, Wapômbên miŋ hik thô ami denaŋ ba intu athôn paliŋ. Ma doŋtom waklavôn yani endelêm ma tem alalô nagê anên lôkmanŋiŋ thô êtôm atu ba yani hamô. Ba intu nayala nena alalô tem nambitak êtôm yanida. ³Avômalô sapên atu ba êv maleŋiŋ ek yani ethak epesaŋ kapôlônŋiŋ ek nimbatak mabuŋ mavi êtôm yani atu ba mabuŋ mavi.

⁴Îê takatu ba idum kambom thêthô ma êvôliŋ dômiŋ ek abô balabuŋ. Avanôn, kambom anên ôdôn nena êvôliŋ dômiŋ hathak abô balabuŋ. ⁵*Môtô oyala nena Kilisi halêm pik ek nê m alalôaniŋ kambom vê, ma yanida ma kambom mi. ⁶Ôpatu ba hamô haviŋ yani miŋ hadum kambom thêthô ami. Ma ôpatu ba hadum kambom thêthô miŋ bôk hayê lo hayala yani ami.

⁷Yenaŋ avômena, noyabiŋ am ek anyôla miŋ esau môtô ami. Ôpatu ba hadum kobom thêthôn, yani ma thêthôn hatôm Kilisi atu ba thêthôn. ⁸^bSadaŋ bôk hadum kambom hadên môŋ anôn ba halêm. Ba intu ôpatu ba hadum kambom thêthô, êŋ ma Sadaŋ anên. Ba intu Wapômbên Nakaduŋ halêm pik ek imbuliŋ Sadaŋ anên ku. ⁹*Ôpatu ba bôk habitak Wapômbên nakaduŋ yôv miŋ hadum kambom thêthô ami ek malê nena Wapômbên anên yanvêk hamiŋ yani kapô. Yani bôk habitak Wapômbên nakaduŋ yôv ba intu miŋ hatôm indum kambom thêthô ami. ¹⁰Ba intu yêlô ayala nena Wapômbên anên nali ma opalêla ma Sadaŋ anên ma opalêla. Îê takatu ba miŋ idum kobom thêthôn ami lôk miŋ lenŋihaviŋ iviyaŋ ami, thêlô ma miŋ Wapômbên anên nali ami.

* 2:27 Jon 16:13 * 2:29 1Jon 3:10 † 3:1 Jon 1:12-13; 16:3 ‡ 3:2 2Ko 3:18

ª 3:5 Jon 1:29; 1Pi 2:22-24; 1Jon 2:2 º 3:8 Jon 8:44 ¸ 3:9 1Jon 5:18

Lemimbiņ mōlōviyaņ

¹¹ ^dAbō atu ba bōk mōlō olaņō mōņ anōņ yōv nena mōlō lemimimbiņ mōlōviyaņ. ¹² ^eMa miņ nosopa Kain ami. Yani ma ŋgōk kambom atu anēņ ba hik yaņ molok vōnō. Ma hik eka? Ek malē nena hathak hadum kambom ma yaņ molok hathak hadum mavi. ¹³ ^fAēņ ba aiyaņ thēlō, avōmalō pik ēpōlik ek mōlō ma miņ nosoņ ami. ¹⁴ ^gAlalō leņiņhaviņ iviyaņ, ēņ ma hik thō nena bōk atak ŋama ma lēk awa lōkmala yōv. Ma doņtom ōpatu ba miņ lahaviņ iviyaņ ami ma ŋama havaloņ yani loņ denaņ. ¹⁵ ^hŊē takatu ba ēpōlik hathak iviyaņ ma hatōm ŋē ik anyō vōnō. Ma mōlō oyala nena ŋē ik anyō vōnō tem miņ nēmō lōkmala ētōm wak nōmbēņ intu sapēņ ami.

¹⁶ ⁱYisu hēv anēņ lōkmala ek alalō ba intu ayala leņiņhaviņ anēņ ōdōņ. Ma natak alalōaniņ lōkmala aēņ iyom ek nanēm alalōaniņ iviyaņ sa. ¹⁷ ^jMa opalēla takatu ba iniņ nōmkama hamō ba ēyē iviyaņ nōmkama mi ba ēv i sēkēya ma miņ leņhiki hathak i ami, ēņ ma Wapōmbēņ anēņ lahaviņ miņ hamō haviņ i ami. ¹⁸ ^kYenaņ avōmena, miņ lemimbiņ avōmalō esak abō lōk veņbōlēk iyom ami. Mi, nuņgwik thō esak kobom avanōņ nena nōnēm i sa.

¹⁹⁻²⁰ Kobom ēņ hik thō nena abō avanōņ hamō haviņ alalō. Ma doņtom kapōlōņiņ malaiņ hathak alalōaniņ kambom, ēņ ma leņimbi nena Wapōmbēņ hayala nōmkama sapēņ ba anēņ lahiki hamōņ ek alalō kapōlōņiņ. Ba intu umiņ thohavloma ma kapōlōmim ēņjēk yaō. ²¹ ^lAēņ ba aiyaņ thēlō, alalō kapōlōņiņ miņ hanaņ alalō bēņ ami, ēņ ma hatōm amiņ lōklokwaņ ma kō mi hēk Wapōmbēņ ma. ²² Ma malēla takatu ba alalō atēņ yani ek nēm, ma tem nēm iyom ek malē nena alalō asopa anēņ abō balabuņ lōk adum nōm takatu ba hadum yani lamavi. ²³ ^mMa anēņ abō balabuņ hanaņ nena nōnēmimbiņ anēņ Nakaduņ Yisu Kilisi anēņ athēņ lōk lemimimbiņ mōlōviyaņ ētōm atu ba hanaņ. ²⁴ ⁿŌpatu ba hasopa Wapōmbēņ anēņ abō balabuņ ma hamō haviņ yani ma yani hamō haviņ ōpēņ. Ma Lovak Matheņ atu ba Wapōmbēņ hēv hadēņ alalō intu hik thō nena Wapōmbēņ hamō haviņ alalō.

Noyawē ba ōņgō nena halēm anēņ ēsē

4 ¹ ^oAiyaņ thēlō, ŋē plopet abōyaņ bēņ anōņ bōk i pik mayaliv. Ba intu miņ nōnēmimbiņ ŋē takatu ba enaņ nena Lovak Matheņ hēv abō hadēņ i ami. Mi, noyawē katō ba ōņgō nena iniņ abō halēm anēņ Wapōmbēņ anēņ Lovak Matheņ mena mi e? ² ^pMa tem noyala abō takatu

^d 3:11 Jon 13:34 ^e 3:12 Stt 4:8 ^f 3:13 Jon 5:18-19 ^g 3:14 Jon 5:24 ^h 3:15 ALK 21:8
ⁱ 3:16 Jon 13:1; Gal 1:4 ^j 3:17 Lo 15:7 ^k 3:18 Jem 2:15-16 ^l 3:21 Hib 4:16
^m 3:23 Jon 6:29; 13:34 ⁿ 3:24 1Jon 4:13 ^o 4:1 Mat 7:15; 1Te 5:21; 1Jon 2:18; 2Jon 7
^p 4:2 1Ko 12:3

ba halêm anêḡ Wapômbêḡ anêḡ Lovak Matheḡ ma aêntêk. Ôpatu ba hanaḡ anêḡ hêvhaviḡ bêḡ nena, “Yisu Kilisi bôk habitak anyô anôḡ” ma Lovak Matheḡ hêv abô êḡ hadêḡ ôpêḡ. ³Ma doḡtom ôpatu ba miḡ hanaḡ anêḡ hêvhaviḡ Yisu bêḡ aêḡ ami, ôpêḡ anêḡ abô miḡ halêm anêḡ Wapômbêḡ ami. Mi, halêm anêḡ ôpatu ba hapôlik hathak Kilisi atu. Môlô bôk olaḡô nena anyô hapôlik ek Kilisi êḡ tem êlêm ma lêk anêḡ auk hamô pik yôv.

⁴Ma doḡtom yenaḡ avômena, môlô ma Wapômbêḡ anêḡ ba ôpatu ba hamô haviḡ môlô ma bêḡ ek ôpatu ba hamô pik. Ba intu môlô bôk ômô ḡê takêḡ lu yôv. ⁵Thêlô ma pik anêḡ ba intu enaḡ pik anêḡ abô ba avômalô pik elañô. ⁶Ma doḡtom alalô ma Wapômbêḡ anêḡ ba avômalô takatu ba eyala Wapômbêḡ elañô alalôaniḡ abô. Ma doḡtom avômalô takatu ba miḡ Wapômbêḡ anêḡ ami miḡ elañô alalôaniḡ abô ami. Ma aêḡ iyom, alalô tem nayala Lovak Matheḡ anêḡ abô avanôḡ lôk auk pik anêḡ abôyaḡ.

Wapômbêḡ ma leḡhaviḡ anêḡ ôdôḡ

⁷Aiyaḡ thêlô, leḡhaviḡ halêm anêḡ Wapômbêḡ ba intu môlô lemimimbiḡ am. Avômalô takatu ba leḡḡhaviḡ hamô haviḡ i, thêlô ma Wapômbêḡ anêḡ nali ba eyala yani. ⁸Wapômbêḡ ma leḡḡhaviḡ anêḡ ôdôḡ ba intu opalêla takatu ba leḡḡhaviḡ mi hêk i ma miḡ eyala Wapômbêḡ ami. ⁹Wapômbêḡ anêḡ Nakaduḡ doḡtom iyom ba hêv halêm pik ek alalô namô lôkmala esak yani. Kobom êḡ hik thô nena yani lahaviḡ alalô bêḡ anôḡ. ¹⁰“Miḡ osoḡ nena leḡḡhaviḡ anôḡ ma alalôaniḡ leḡḡhaviḡ Wapômbêḡ. Mi, leḡḡhaviḡ anôḡ ma aêntêk. Wapômbêḡ lahaviḡ alalô ba hêv Nakaduḡ ba hama ek alalôaniḡ kambom anêḡ malaiḡ miḡ êpôm alalô ami.

¹¹Aêḡ ba aiyaḡ thêlô, Wapômbêḡ bôk lahaviḡ alalô bêḡ anôḡ ba intu mavi ek môlô lemimimbiḡ môlôviyaḡ aêḡ iyom. ¹²Anyô te miḡ bôk hayê Wapômbêḡ ami. Ma doḡtom alalô leḡḡhaviḡ i ma Wapômbêḡ hamô haviḡ alalô ma anêḡ lahaviḡ êḡ hik anôḡ hamiḡ alalô.

¹³Wapômbêḡ bôk hêv anêḡ Lovak Matheḡ yôv hadêḡ alalô ba intu nayala nena lêk amô haviḡ yani ma yani hamô haviḡ alalô. ¹⁴Ma yêlô bôk ayê hathak maleḡḡiḡ ba lêk anaḡ bêḡ nena Lambô bôk hêv Nakaduḡ halêm ek nêḡ avômalô pik bulubiḡ. ¹⁵Opalêla takatu ba enaḡ iniḡ êvhaviḡ bêḡ nena, “Yisu ma Wapômbêḡ anêḡ Nakaduḡ”, êḡ ma Wapômbêḡ hamô haviḡ thêlô ma thêlô êmô haviḡ Wapômbêḡ. ¹⁶Ba intu alalô ayala lôk aêvhaviḡ nena Wapômbêḡ lahaviḡ alalô.

Wapômbêḡ ma leḡḡhaviḡ anêḡ ôdôḡ ba intu opalêla takatu ba leḡḡhaviḡ hamô haviḡ i ma êmô haviḡ Wapômbêḡ ma Wapômbêḡ hamô

^q 4:3 1Jon 2:18 ^r 4:4 Mat 12:29; 1Jon 5:4-5 ^s 4:5-6 Jon 8:47; 15:19 ^t 4:9 Jon 3:16

^u 4:10 Lom 5:8-10; 1Jon 2:2 ^v 4:12 Jon 1:18 ^w 4:13 2Ko 1:22; 1Jon 3:24

haviņ i. ¹⁷Alalô amô aêņ, êņ ma leņiņhaviņ hik anôņ hamiņ alalô ba intu tem alalô namiņ lôklokwaņ ma kô mi êndêņ waklavôņ Wapômbêņ indum abô. Pik êntêk ma asopa loņôndê thêthôņ hatôm yani bôk hasopa yôv ba intu tem miņ nakô ami. ¹⁸Wapômbêņ lahaviņ alalô ba intu miņ nakô ami. Anêņ lahaviņ ma mabuņ anôņ ba intu hêv kô vê. Ma opalê atu hakô ek waklavôņ nindum abô hik thô nena leņiņhaviņ miņ hik anôņ hamiņ yani ami.

¹⁹Wapômbêņ lahaviņ alalô hamôņ ba intu leņiņhaviņ hamô haviņ alalô. ²⁰Anyôla atu ba miņ lahaviņ iviyaņ atu ba hayê i ami, êņ ma miņ hatôm laimbiņ Wapômbêņ atu ba miņ hayê ami. Ba intu anyôla hanaņ nena, “Yaleņhaviņ Wapômbêņ” ma doņtom hapôlik ek iviyaņ, ôpêņ ma anyô abôyaņ. ²¹*Wapômbêņ bôk hêv abô balabuņ yôv hadêņ alalô nena, “Opalêla takatu ba leņiņhaviņ Wapômbêņ ma leņiņimbiņ iviyaņ imbiņ.”

Êvhaviņ Wapômbêņ Nakaduņ

5 ¹Avômalô takatu ba êvhaviņ nena Yisu ma Mesaya bôk ibitak Wapômbêņ nali yôv. Ma avômalô takatu ba leņiņhaviņ Lambô ma ethak leņiņhaviņ anêņ nali aêņ iyom. ²Alalô leņiņhaviņ Wapômbêņ lôk asopa anêņ balabuņ, êņ ma hik thô nena alalô leņiņhaviņ Wapômbêņ nali haviņ. ³^zAlalô leņiņhaviņ Wapômbêņ, êņ ma athak asopa anêņ abô balabuņ. Ma anêņ balabuņ miņ malaiņ ek nasopa ami ⁴ek malê nena Wapômbêņ anêņ nali sapêņ ik vovak ba êmô pik anêņ lôklokwaņ lu hathak êvhaviņ. ⁵Ma avômalô takatu ba ik vovak haviņ pik anêņ lôklokwaņ ba êmô lu ma opalêla? Thêlô ma avômalô takatu ba êvhaviņ nena Yisu ma Wapômbêņ Nakaduņ.

Lavôņiņ atu ba hik Yisu thô

⁶“Ma Yisu Kilisi halêm pik ba anêņ hathik ņaņ lo anêņ thalaleņ hangasô hik yani thô. Miņ ņaņ iyom ami. Mi, ņaņ lo thalaleņ. Ma Lovak Matheņ atu ba hanaņ abô avanôņ iyom hik yani thô haviņ. ⁷Aêņ ba intu nôm lokwaņlô hik yani thô aêntêk, ⁸^bLovak Matheņ lo ņaņ ma thalaleņ. Ma thêlô lô êņ êlôk hathak auk doņtom iyom. ^c ⁹^dAlalô athak êvhaviņ ņê pik takatu ba ik nômla thô iniņ abô. Ma Wapômbêņ anêņ abô ma hamô vuliņ ek malê nena halêm anêņ Wapômbêņ da. Ma yani hik Nakaduņ thô hathak nôm lô êntêk. ¹⁰^eOpalêla takatu ba êvhaviņ Wapômbêņ Nakaduņ eyala hêk kapôlôņiņ nena abô takêņ ma avanôņ. Ma doņtom avômalô takatu ba miņ êvhaviņ Wapômbêņ ami ma idum ba yani habitak hatôm anyô abôyaņ ek malê nena miņ êvhaviņ abô takatu ba hanaņ hathak Nakaduņ ami.

* 4:21 Mak 12:29-31 ʻ 5:1 1Jon 4:15 z 5:3 Jon 14:15,23-24 a 5:6 Jon 1:29-34

b 5:8 Jon 15:26 c 5:8 Mose anêņ balabuņ hanaņ nena anyô ju mena lô la enaņ abô te ma avanôņ (Lo 19:15). d 5:9 Jon 5:32-37 e 5:10 Jon 5:36-40

¹¹Ma abô takatu ba Wapômbêḅêḅ hêv hadêḅ alalô ma aêntêk. Hêv alalô lôkmala namô wak nômbêḅêḅ intu sapêḅ. Ma lôkmala êḅ anêḅ ôdôḅ ma Nakaduḅ. ¹²^fÔpatu ba hamô haviḅ Nakaduḅ ma hawa lôkmala êḅ. Ma doḅtom opalêla takatu ba miḅ êmô haviḅ Wapômbêḅêḅ Nakaduḅ ami ma miḅ ewa lôkmala êḅ ami.

Lêk awa lôkmala yôv

¹³^gYahato abô takêntêk hadêḅ môlô takatu ba ôêvhaviḅ Wapômbêḅêḅ Nakaduḅ anêḅ athêḅ ek noyala nena lêk owa lôkmala atu ba nômô wak nômbêḅêḅ intu sapêḅ yôv. ¹⁴^hMa alalô atêḅ yani hathak nômlate hatôm yani anêḅ lahaviḅ, êḅ ma tem endanḅ. Ba intu miḅ nakô nena tem miḅ endanḅ alalôaniḅ abô ami. Mi, tem endanḅ. ¹⁵Alalô ayala nena yani hathak halaḅ alalôaniḅ apetenak. Ba malêla takatu ba ananḅ hik yani liḅ ma nayala katô nena yani tem nêḅ.

¹⁶⁻¹⁷Ma kobom lokbaḅ sapêḅ ma kambom iyom. Kambom vi tem miḅ endom anyô ni loḅ atum ami. Ba hôyê môlôviyaḅ idum kambom êḅ, ma notêḅ mek ma Wapômbêḅêḅ tem nêḅ thêlô lôkmala. Ma doḅtom kambom vi halom anyô hi loḅ atum ba miḅ yahananḅ ek notêḅ mek esak thêlô êḅ ami.ⁱ

Abô anêḅ danḅ

¹⁸^jAlalô ayala nena avômalô takatu ba bôk ibitak Wapômbêḅêḅ nali miḅ idum kambom thêthô ami. Mi, Wapômbêḅêḅ Nakaduḅ hayabiḅ thêlô ba ḅḅôk kambom atu miḅ hatôm êsôm thêlô ami. ¹⁹Alalô ayala nena alalô ma Wapômbêḅêḅ anêḅ, ma doḅtom pik sapêḅ ma êmô ḅḅôk kambom atu anêḅ lôkliḅyak kapô. ²⁰Alalô ayala nena Wapômbêḅêḅ Nakaduḅ bôk halêm yôv ba hêv auk hadêḅ alalô ek alalô hatôm nayala Wapômbêḅêḅ ôpatu ba avanôḅ. Ma alalô amô haviḅ yani atu ba avanôḅ lôk Nakaduḅ Yisu Kilisi. Yani ma Wapômbêḅêḅ anôḅ biḅ lôk lôkmala atu ba nêḅmô wak nômbêḅêḅ intu sapêḅ.

²¹Yenanḅ avômena, nômô daim ek malêla takatu ba hawa Wapômbêḅêḅ anêḅ loḅ.

^f 5:12 Jon 3:36 ^g 5:13 Jon 20:31 ^h 5:14 Jon 14:13-14; 1Jon 3:21-22 ⁱ 5:16 Nôḅḅô Mak 3:29 ma Matyu 12:31 lôk Hiblu 6:4-6 lo 10:29-31. ^j 5:18 1Jon 3:9